

QK 268,24

X 212 5047

Z d
6940

RECTOR
ACADEMIÆ LIPSIENSIS

^{ad}
supremum Officium

V I R O

*Admodum Reverendo, Nobilissimo, Amplissimo,
Consultissimo, Excellentissimoq;*

DN.

PAULO FRANCISCO
ROMANO.

Hæreditario in Braunschweig

J. U. D. Com. Palat. Cæsar. Pandect. Prof.

Publ. Facult. Jurid. Assessor, Canonico Numburgensi,
& Villarum Veterum Acad. hætenus Præ-
posito Magno,
horâ III.

frequentissimo Comitatu præstandum
PROCERES AC CIVES ACADEMICOS
officiosè ac peramanter

invitat.





Parentationem vobis indiximus, CIVES, non Electori
 cuidam Saxoniae in Caelis triumphanti (cujusmodi ho-
 norem beatissimis Nutritiorum Serenissimorum Mani-
 bus, revolutis ipsorum emortualibus, quotannis da-
 mus) sed Regi Regum ac Domino Dominantium pie
 ac devotè præstandam. Cum enim hâc ipsâ diè & pas-
 sionem & mortem pro perditissimo mortalium genere
 consummârit *Οσδθωπ* JESUS CHRISTUS, nostrarum omninò
 partium est, eandem diem, quâ ex ipsa morte vitam nobis acquisitam,
 novimus, solenni memoriâ recolere. Dein, cum Natura ipsa, pro
 quâ tale quid nihil exantlatum est, parentare sategerit mortuo jam Crea-
 tori, an exequias CHRISTO non eamus Nos, Nos, inquam, morte ipsius
 ex morte ceterisque hostium potestatibus erepti? Sol ipse, Mundi Ocu-
 lus, hodiernâ diè à duodecima ad tertiam usque horam contrâ omnem
 naturâ ordinem ferrugineum ostendebat vultum, & Terra, mœrorem,
 suum ut contestaretur, conquassabat se intimè, & sepulcra sanctorum
 aperta dabat. Annon concutere nos corda nostra, & tristitiâ nube,
 quâdam obvelare fas erit? At parentabimus Regi nostro, spineâ coronâ
 insignito, quodque jam morti vicinus mandavit ipse, acerbissimum E-
 jus obitum, ne vel abs inanimis Creaturis oblivionis ingratitudinisque
 arguamur, gratissima animi cum mente rememorabimus, illatibile
 illud carmen accincentes: ECCE, QVOMODO MORITUR JUSTUS &c.
 Verùm ne sic quidem parentationis hodiè definemus. Parentatio enim
 parentationi jungenda, denuoq; ferale illud insonandum: ECCE QVO-
 MODO MORITUR JUSTUS, siquidem post *Οσδθωπ*, qui Justitia
 nostra factus est, solenni veluti funere horâ XII. elatum, dormitorio etiâ
 suo horâ III. inferendus est Vir non justitiæ tantum Civilis scientiâ usq;
 Clarissimus, sed & in conspectu DEI per mortem JUSTISSIMI justificatus,
 Vir, inquam, Pl. Reverendus, Nobil. Ampliss. Consultissimusque, PAULUS
 FRANCISCUS ROMANUS, Hæredit. in Braunschweig/JCtus Excellen-
 tissimus, Com. Palat. Cæsareo, Pandect. Prof. Publ. Facult. Juridicæ Assessor,
 Cano-

Canonicus Numburgensis, & villarum Academiae Veterum h. t. Præpositus
 Magnus, de singulis, quæ sustinuit, muneribus insigniter meritis. Ne-
 que verò novam Eclipsin, novumque terræ motum quendam adverte-
 re hic non licet. Nam præter Socerum Ejus Amplissimum, Patres Aca-
 demia Conscripti ceu Soles quidam a terrimo mœrore sunt obnubilati,
 & Uxor Socrusque, consternatissima Corcula, imò Musæ Charitesque
 omnes commoventur, scinduntur, ejulatibus omnia lacrymisque com-
 plentes. Cui lucui & Nostrum juncturi Nos, ad Parentationem no-
 vam Vos invitamus, utque *συνάθῃαν* vestram copiosissimo attestemi-
 ni confluxu, quàm enixissimè contendimus. Caterùm ne oblivioni
 quasi insepeliatur ROMANI Nobilissimi Vita huc usque immortalì
 cum laude perducta, Nos strictim eam atque sine omni verborum le-
 nocinio descriptam (quæ enim secus in tantis & temporis & chartarum
 angustiis possumus?) exhibemus. Principe felicitatis loco censerì po-
 terat illustre Majorum Decus, quò de facili vel quavis hujus Urbis fa-
 milias offuscaverit ROMANUS. At is nobilitatem à se suam vole-
 bat incipere, non longo æstimari sanguine, pictosque majorum vultus
 ostentare. Nam

*Quis fructus, generis tabulâ jactare capaci
 Fumosos equitum cum Dictatore magistros,
 Si coram Lepidis malè vivitur?*

Patrem autem veneratus est Virum Pl. Reverendum, Nobilissimum, Am-
 plissimumque FRANCISCUM ROMANUM, Codicis Prof. Publ. su-
 premæ Curia Provincialis & Facult. Juridicæ Assessorem, Canonicum
 Naumburgensem & Acad. Syndicum, summi illius atque incomparabilis
 FRANCISCI ROMANI, Jcti consummatissimi & Facult. Jurid. Lips. Or-
 dinarii immortaliter meriti, sceminaque splendidissimæ MARGARETHÆ
 BACHOVIAE filium, & Matrem, insigne sexûs sui decus, GERTRUDIN,
 ex Viro Prudentissimo CHILIANO GRÆFIO, Senatore, Redituum Pro-
 vincialium Circuli Saxoniae superioris Præfecto, & Xenodochii ad D.
 Joh. antistite prognatam, in lucem hanc editus d. XXIV. Januar. A.E.C.
 M. DC. XL. moxque CHRISTO per initiationis sacramentum, ut ju-
 stus hæresque olim aeternæ beatitudinis confieret, insertus. ROMA-
 NUM se esse, h. e. ad maxima quæque natum, non vanè pramonstrabat,
 cum fari, primisque pietatis præceptis imbui vix cœpisset. Itaque,
 promoveri vis insita illa ut posset, dexterrimis commissus est Viris, qui
 artes

artes literasqve, humaniores menti cereæ imprimerent, CASPARO vi-
 delicet & M. MICHAELI BOHEMIS, JOHANNI NICOLAO, & M.
 ESAIÆ SIEGFRIEDIS, & qvi in Academia Carolina, Londini Scano-
 rum quæ floret, Celeberrimum Juris Gentium Professore jam agit,
 M. SAMUELI PUFENDORFFIO, quorum hic fervidum nobilissimi
 Adolescentis ingenium eò usque profectuum perduxit, ut pulpita adire
 Academica, & jam FRID. RAPPOLTUM, in enucleanda Horatii Arte
 Poëtica tum defixum, nunc SS. Theol. Prof. & Facult. suæ Decanum spe-
 ctatissimum, jam L. JOH. SIGISM. SCHWENCKIUM, Log. & Metaph.
 Prof. Publ. Circulos Panfophicos percurfantem, mox M. HEINRICUM
 REISLANDUM, Philosophiæ omnis explanatorem audire cum fructu
 posset. Nec vulgariter Eum in publicis privatisq; Scholis profecisse, vel
 illud indicio egregio est, quod A. LVI. vix quindecennis primam Philoso-
 phiæ laturum decerpfit, Orationemq; politam atqve eruditam ex publica
 exedra declamavit. Excitatus postmodum diffusâ Jenensium Professio-
 rum famâ, sub auspiciis anni LVII. Salanæ studiorum elegit matrem, E-
 phoro & Genio veluti propitio usus PUFENDORFFIO jam laudato, cujus
 dexteritatem solertiamq; singularem ad manes usq; deprecavit gratus.
 Ubi cum non Hospitis tantum ERHARDI WEIGELII, Mathematici
 admirandi, sed & BECHMANNI, subtilissimi Panfophi, BOSII Celeberrimi
 Polyhistoris, & OLPII, Politici eximii creberrimus fuisset auscultator,
 de multiplici illo scientiarum instrumento, quo sine ad summa per-
 venire haut potest, sapienter sibi prospexit. Quo præmunitus ad Jurispru-
 dentiam, in qua Majores ad stuporem usque excelluerunt, toto animo sese
 convertit, interpretes ejus accuratissimos SCHRÖTERUM & STRU-
 VIUM pertinaci assiduitate in Justinianæis, quæ vocant, Collegiis con-
 sultuit. Patriæ A. LVIII. redditus Viros illos, quos Oracula quædam
 Juris esse non ignorabat, assidue sectabatur, sic tamen, ut FRANKEN-
 STEINII & THOMASII, Panepistemonum nostrorum, palæstras diu ad-
 huc dum celebraret. E Jure-Consultis autem Academiæ hujus exquisitissi-
 mis Duces nanciscebatur Candidissimum Senem QV. SCHACHERUM,
 Instituta Juris & legendo & disputando explicantem, JOH. BORNIIUM,
 Processus practici vias ostendentem, & JOH. PHILIPPI Eclogas suas
 declarantem; quanquam plurimum omnium debere se B. ECKOLTO
 & SCWENDENDORFFERO Juniori, semper est professus, quippe quorum
 ille bino in Digesta Collegio, hic accuratâ & Institutionum, & Ludwelli

Exercitationum, & Jurium Feudalium evolutione ingentem ei facem accendit. Instructus tandem solidiori tum Philosophia, tum Legum notitiâ in publicum prodire proscenium, binisq; disputationibus se Roscium exhibere, quarum prima de Emancipatione Liberorum sub venerandi Parentis, altera de Juribus Patriæ potestatis sub SCHWENDENDÖRFERI jam laudati umbone, applaudente Eruditorum Choro, defensata est; Cumqve honoribus Juridicis ipsius Themidis calculo dignissimus judicaretur, non uno quasi saltu, sed per gradus ad summa Jurisprudentiæ fastigia grassatus est, Candidatis A. LXI. examine & Lectione Cursoriâ, quam vocant, præmissis, dein A. LXII. habitâ de Alea disputatione, aliisq; actibus exantlatis, Licentiatis, & deniq; A. LXIII. ipsis Cal. Aprilibus mirifico cum applausu Doctoribus Juris adscriptus. Verum ne sic quidem ignea illa & polo agnata mens expleri poterat. Ardebat enim & peregrè abeundi libidine, hâc quidem fini, ut cultiorum gentium mores cum cura inspiceret, prudentiamq; inde sibi ac disciplinam vivendi compararet. Igitur A. LXIV. ferventibus adhuc vernis nundinis Francofurtum petebat, exinq; per Rhenum in Bataviam deportatus potissimas & urbes & Academias tam Belgii Confoederati quam Hispanici, perlustrabat; visisque postmodum ultra Oceanum Germanicum pulcherrimis Angliæ oppidis, in Galliam, regionum Occidentalium felicissimam, transfretabat, perq; semestre propemodum integrum, peragratissimè anteà Normandiâ & Picardiâ, Lutetiæ Parisiorum ob rerum visendarum varietatem commorabatur; cumqve postideâ tum Aurelianensem Academiam, tum cæteras florentissimi Regni provincias perreptâset, per Pedemonium in Italiam ferebatur, inspectisq; Turino & Mediolano per Placentiam, Parmam, Mutinam, Bononiam & S. Lauretum ad famosissimam illam Anti-Christi occidentalis sedem, Romam tendebat. Ubi cum per novem admodum menses substitisset, in Regnum Neapolitanum, locaq; illi confinia excurrit, & ne nihil urbium clarissimarum & monumentorum veterum insalutatum relinqueret, per Sienam, Florentiam, Agrum Lucensium, Pisas, Livornum, Genuam, Papiam, & Mantuam itinere sumpto, Venetorum Remp. in mari Adriatico florentem admiratus est, tandemqve per Paduam, Lombardiam, Mediolanum, & Helvetiam in superiorem Germaniam reversus, primarias Ejus urbes atqve Academias antè, quam Lipsiæ redderetur, judicio ac successu pari inspectavit. Neqve enim externo urbium regionumqve situ,

tu, sed moribus populorum, sed Rerum publicarum institutis, sed Vi-
rorum Doctrinâ illustrium, quorum non paucos familiaritate litera-
rum sibi adjunxit, consuetudine alloquioque animum pascebat. Pera-
tis ex voto itineribus non tam sibi, quam aliis se natum esse ratus, Ju-
ridicas aperuit scholas, præsidioque suo disputantibus Juris Stu-
diosis adstitit non semel, ea cum fortuna ac gloria, ut oneri doctoris
publici ferundo aptissimus omnium videretur. Quare cum A. LXIIX.
AMADEUS ECKOLTUS, Jctus edecumatus vivis eximeretur, non
difficuler vacuefactam Professionem, ad quam abs nobilissimo Jcto-
rum Collegio denominatus erat, abs Celsissimis Fratribus, Clementissi-
mis hujus Almæ Nutritoribus obtinuit; Cumque non ita multò pòst
Amplissimus ROMANI Nostri Parens his terris valediceret, ita re-
bus filii optimi moderabatur Divinum Numen, ut ab explicatione,
Regularum Juris ad Institutionum professionem eveheretur. Quo
munere quam pulcrè insigniterque functus sit, præter Lectiones publi-
cas satis loquuntur Disputationes C. Rittershusii sub Disputationis
incudem denuò ab ipso revocatæ. Hanc fortunam mox alia triplex
excipiebat; siquidem Anno subsequenti & in Inclutum Jctorum Li-
psiensium Collegium cooptatus, & Digestorum Professor post bea-
tissimi SCHACHERI obitum, constitutus, & Canonicus Numbur-
gensis unanims Quatuor Nationum vecibus est declaratus. Eò itaque
felicis progressus, ut honestè decenterque sustentare familiam
posset, DEO duce & pronubo A. LXX. d. XXIII. Septemb. scitissi-
mum Virginum nobilium florem MARIAM ELISABETHAM, Viri
Magnifici, Nobilissimi Amplissimi ac Prudentissimi Dn. PAULI WA-
GNERI, Jcti Celeberrimi, Curiae Supremæ Provincialis, Facult. Ju-
ridicæ & Scabinatus Electoralis Assessoris, nec non Consulis Reip. Lips.
bene-merentissimi, ex splendido fœminarum exemplo MARIA
OHEMIA filiam sibi adjunxit, fructusque svavissimi consortii tres ex
ea suscepit, MARIAM ELISABETHAM, GERTRUDIN MARGA-
RETHAM, & JOHANNAM CHRISTINAM. Deceterò quò ma-
jorem indies in officiis publicis fidem dexteritatemque ostentavit,
hoc insignioribus virtutum præmiis maectatus est postmodum & ex-
ornatus. Etenim A. LXXI. mense Octobri gubernacula illi Aca-
demica à liberis Nationum manibus tradita, A. LXXIII. abs Augu-
stissimo Imperatore LEOPOLDO, Comitis Palatini dignitas colla-
ta,

Zd 6940 114
ta, & denique A. LXXIV. Præpositura Magna trium veterum Academiae Pagorum commissæ est. Nec dubii quicquam erat, Eum Majorum suorum gloriam si non superaturum, at æqvaturum tamen, cum in omnibus, quæ obivit hætenus, muneribus ROMANUM, sui quæ semper similem, h. e. eximium & planè singularem sese exhibuerit. Sed aliud quid fata decrevisse de illo, eventus cheul lamentabilis nos docet. Florentissimum enim Virum d. XXII. Martii dolor sinistri lateris cum calore non tenuissimo invasit, qui, quamvis cedere pharmacis Medicis videretur, acrior tamen rediit, & ἀγρυπνίας, calorem quæ vehementiorem ac sitim asperam adduxit secum. Equidem & materia peccantis ejectio, & malorum dictorum pausa, Medicâ ope inducta, spei non nihil allucebat. At morbus vehementiori mox impetu vires jam nimium prostratas conculcabat, spem quæ adeo omnem ulterioris in hisce terris vitæ præcidebat. Mundana itaque deferenda sibi intelligens Nobilissimus ROMANUS, ad cœleste sese iter accingere, cum quæ justitiam suam in foro poli menstruato panno non dissimilem, esse nosset, Justitiâ CHRISTI se totum veluti convestire, nec aliud quicquam quam cœlestia animo suo agitans, cum admodum reverendo Confessario, à quo viaticatus ritè fuerat, de futura vitæ beatitudine pulchrè differere, gratiis quæ Magnifico Socero Venerandæ quæ Socru pro beneficentia effusissima persolutis, relicta quæ tum Uxori dilectissimæ, tum dulcissimo Affini, filiabus quæ teneris benedictione, die XXIX. Martii in Redemptore suo placidissimè obdormire, Vir sanè vel Nestoræa vitæ dignissimus, & in flore illo ætatis sapientissimis veterum Romanorum Jctis comparandus. Et ecce vitam Nobilissimi ROMANI brevi admodum filo pertexam, quæ Tulliano vel Buchneriano aliquo calamo describi merebatur! Nos officii nostri memores, post JUSTISSIMUM SALVATOREM exequiali honore affectum, horâ III. & ROMANO per CHRISTUM JUSTIFICATO parentabimus, stipatissimum nobis Procerum Civium quæ Academico- rum comitatum promittentes. P. P. Lipsiæ ipsâ emortuali CHRISTI die A. E. C. M. DC. LXXV.

LITERIS JOHANN-ERICI HAHNII.

OK-268,24

RECT
ACADEMIÆ I

ad
supremum C
V I R

Admodum Reverendo, No
Consultissimo, Exce

DN.

PAULO FR
ROMA

Hæreditario in

J.U.D. Com. Palat. Cæ

Publ. Facult. Jurid. Affessori, C
& Villarum Veterum Ac


posito Mag

horâ 11

frequentissimo Comita

PROCERES AC CIVE

officiose ac per
invitat.



d
940

